

Na: Kolegio Ehekutivo di Entidat Públiko di Boneiru
Atenshon Presidente, Sr. J. Soliano
Kralendijk, Boneiru

Frakshon M21
Konseho Insular Bonaire

Pasanggrahan
Parke Wilhelmina 2
Kralendijk
Bonaire, C.N.

Persona di kontakto:

Désirée Coffie
Miembro di Konseho Insular

T: 715 5330 tst. 1414
frakshonm21@konsehoinsular.org

Fecha:

13 di sèptèmber 2026

Tópiko:

Lokalidat pa Festival di Regatta 2026

Referensia:

FM21-2026-016

Apresiabel Kolegio,

Atrobe diskushonnan públiko relashoná ku e sitio ku mester tin e evento di anochi di Regatta2026. Si mi no ta kibuká for di aña pasá señalnan tabata t'ei ku mester buska un otro lokalidat ku no ta dilanti di e edifisio di Kolegio Ehekutivo(Wilhelminaplein) pa motibu di **seguridat i òrden públiko**. I ta netamenta riba e dos punto- nan aki ku konseho a yega serka gezaghèber i ku ela tuma e desishon di no otorgá e pèrmit komo tal. Nos tin un luna mas promé ku e di tres evento magno den aña tuma lugá despues di Dia di Rincon i Dia di Boneiru. Un fiesta tradishonal di hopi aña ku semper a perkurá pa dibertishon sano na tantu partisipantenan di Regatta riba laman, nos bishitantenan i nos propio pueblo.


Den e konseho ku mi a lesa, mi ta konkluí ku Stadion di Playa a keda nombrá komo esun mas adekuá pa tene e evento, pero ku mester di adaptashonnan.

Den kuadro di artikulo 45 di nos Reglamento di Orden mi ta hasi e siguiente preguntanan na Koelegio Ehekutivo(KE):

1. KE a tuma nota di e konseho ku Stadion di Playa ta esun mas adekuá pa tene e evento pa loke ta seguridat i òrden públiko? Duna splikashon detayá.
2. KE a konsultá esaki na un mesa tripartit, esta KE, organisadónan di Regatta i Konseheronan di Gezaghèber i kiko tabata e resultado di e konsulta tri-partit aki?
3. Si stadion ta e sitio adekuá, kiko ta e faktornan ku ta stroba i/o mester adaptá si tene e evento sea paden o pafó (riba e aktual parkerplaats di konteiner i otro material pisá) di e stadion? Splika por favor den konteksto di seguridat, òrden públiko i otro faktornan di importansia.
4. KE por a kompartí ku Konseho Insular si tin akuerdonan formal (por eskrito) ku tur esnan ku ta usando e plèchi di parkeo di Stadion komo sitio di depósito di konteiner i otro materialnan pisá manera entre otro asta boto? Ku ken tin e akuerdonan i bou di kua kondishonnan; ta paga por ehèmpel prekariorechten òf un otro forma di kompensashon pa uso di e tereno públiko aki? Duna splikashon detayá.

Gustosamente mi ke un kontesta verbal den e próksimo reunion públiko planiá pa djamars 15 di sèptèmber próksimo.

Atentamente,



Désirée Coffie,
Miembro Koseho Insular Bonaire
Lider di Frakshon M21.